

est super omnia Deus benedictus in sæcula. Amen.

In tertio Nocturno.

Lectio VII.

Lectio sancti Evangelii secundum Lucam. Cap. 2.

IN illo tempore : Ut perfecerunt Parentes Jesu omnia secundum legem Domini, reversi sunt in Galilæam, in civitatem suam Nazareth. Puer autem crescebat et confortabatur, plenus sapientiâ, et gratia Dei erat in illo. Et reliqua.

Homilia sancti Augustini Episcopi. Hom. 63. De consen. Evang. Matth. et Lucæ, in generati. Domini cap. 10 et 11.

CUM dixisset Maria : Pater tuus, et Ego dolentes quære-
bamus te, ille respondit : Non sciebatis, quia in his oportet me esse, quæ Patris mei sunt ? Non enim sic se volebat esse Filium illorum, ut non intelligeretur Filius Dei. Filius enim Dei, semper Filius Dei : creans illos ipsos. Filius autem hominis, ex tempore natus de Virgine sine semine, parentem habebat utrumque. Unde hoc probamus ? Jam dixit Maria. Pater tuus, et ego dolentes quære-
bamus te. Non est prætermittenda, Fratres, maxime propter disciplinam sceminarum, sororum nostrarum, tam sancta modestia Virginis Mariæ. Christum pepererat, Angelus ad eam venerat, et dixerat ei : Ecce concipies in utero, et paries Filium ; et vocabis nomen ejus Jesum : Hic erit magus, et Filius Altissimi vocabitur. Meruerat parere Filium Altissimi, et erat humillima : nec se magis, nec in ordine nominis præferebat, ut diceret : Ego et Pater tuus, sed Pater tuus, inquit, et ego. Non attendit sui

uteri dignitatem : sed attendit ordinem conjugalem.

Lectio VIII.

NON enim humilis Christus Matrem suam superbire docuisset. Pater tuus et ego dolentes quære-
bamus te. Pater tuus, inquit, et ego : quia caput mulieris vir. Quantominus debent superbire cæteræ sceminae ? Nam et ipsa Maria mulier dicta est, non corruptâ virginitate, sed appellatione propriâ gentis suæ. Dixit enim de Domino Jesu Christo et Apostolus : Factum ex muliere : non tamen interrupit ordinem et textum fidei nostræ, quâ confitemur natum de Spiritu Sancto, et Virgine Mariâ. Illa enim Virgo concepit, Virgo peperit, Virgo permansit. Sed mulieres omnes sceminas illi appellaverunt, proprietate linguæ Hebrææ. Audi evidentissimum exemplum. Prima scemina quam fecit Deus sumptam de latere viri, antequam cum viro concumberet, quod posteaquam de paradiso exierunt, scribitur factum : tamen mulier jam vocabatur, dicente Scripturâ : formavit eam in mulierem.

Lecture IX.

QUID ergo respondet Dominus Jesus Christus ? Oportebat me esse in his, quæ Patris mei sunt. Non sic indicat Patrem Deum, ut neget Patrem Joseph. Unde hoc probamus ? Secundum Scripturam, quæ sic ait : Et dixit ad illos, non sciebatis quia in his quæ Patris mei sunt, oportet me esse ? Illi autem non intellexerunt, quid illis locutus est. Et cum descendisset cum illis, venit Nazareth, et erat subditus illis.